

瓠北詩鈔

一
函
十
冊
函

懷北詩鈔七言律三

陽湖 趙翼 雲崧

歸田即事

柴扉近竹綠楊灣，回首風塵此倦還。
老境逼來將白髮，宦途盡處是青山。
署門客散無投刺，退院僧高自掩關。
只有夢魂難忍處，君恩猶未削朝班。

十古名句

豚欄雞棲一畝宮，呼來兒女脫青紅。
憐他未慣蓬茅宅，笑我原來田舍翁。
塵尾可揮非祖物，菜根須咬趁童蒙。
短檠燈火長鑱柄，閒與諸雛話舊風。

少日曾貪面百城而今萬卷送浮生一身去職如花落
兩眼觀書尙月明鴻瓜春泥思往跡馬路秋水得閒情
天留老筆非無用要與熙朝寫太平

新葺茅廬在水南擬栽修竹翠甃甃持齋怕入遠公社
習靜便同彌勒龕詩就多兼店小說客來與作清談
所慚懶廢無才思輸與山陰老學庵

天平山范文正公祠

森森萬笏石參天丙舍千秋傍祖阡遺像何嫌窮塞主
崇祠猶祭義莊田柏如萬相堂葱鬱路與新王墓接連
不獨子孫來下拜遊人誰不瓣香燃

端笏垂紳河岳姿名賢氣象儼留貽甲兵胸捍三秦警
羣駕腸思四海飢植黨浮言當日論活人素志至今知
多慚我已忘憂樂敢漫高談濟世期

韓王墓

麒麟高塚占雲墟異姓真王百戰餘勲業未來先卧虎
英雄老去亦騎驢葬應秘器蒙分賜續尙豐碑表特書
宋待功臣原不薄棲霞何事獨誅鋤

謂岳忠武

館娃宮

湖光山色一憑欄想見朝朝暮暮歡此地春常留屣響
有人夜正卧薪寒唾成珠玉香猶濕舞破山河髻未殘

吳宮功在越可憐啼笑兩俱難

過史翼宸明經故居

少年此地一經橫
賓主流連最有情
老再來時惟後輩
舊曾遊處似前生
山邱華屋徒增感
書畫清門尚繼聲
也比西州門外路
經過不覺淚如傾

哭璞園之訃

幕府曾推借
箸長驚傳夜矢
蜀山蒼纔欣薄宦
遷華省

復官後以積勞

恩擢部曹

何意書生死戰場
劍閣更誰文勒石
玉門祇

有夢還鄉可憐前夜相思處
猶擬他年話對牀

磨盾滇南墨未乾
岷峨西上又千盤
空懸望眼長安近

欲返遺骸蜀道難。灑血隻身衝矢石。招魂萬里葬衣冠。
傷心馬革無分留。與鳥爲啄肉殘。

烏。撒。埃。是。惜。別。晨。鄰。壘。頻。喜。接。音。塵。偶。翻。書。札。猶。前。日。
忽。憶。舊。眉。已。古。人。迢。遞。何。年。尋。宿。草。馳。驅。到。死。作。勞。薪。
遊。魂。血。污。空。山。裏。知。化。猿。身。化。鶴。身。

寄顧北墅

射雉城東別業偏。一編晏坐正超然。門高處士談經座。
家有先人負郭田。載酒生徒揚了宅。焚香書畫米家船。
從知水繪園荒後。又續名流韻事傳。

哭座主觀總憲補亭先生三首之一

國才言金
總持風雅量兼收河海田來納衆流道廣幾爲陳寔累
名高爭御李膺游情於說士甘如肉身爲賢讓出頭
此後孤寒更誰恃秋風多少客無裘

東黃月山文學

里社交知平在亡島然獨見魯靈光詩文確有先民法
游射能言大父行老眼燈昏猶作字觀易厨冷欲休糧
晨星吾敢輕前輩莫惜頻頻過草堂

莊似撰枉詩投贈依韻奉答

浪跡真如未泊舟那能高卧北窗幽嫁衣待字知何日
圓扇承恩及未秋空身期翔千仞志漸收汗漫九垓游

衙官屈宋終非據君或空言我已愁

彭芸楣閣學留飲澄江使院卽席奉呈

使院重來揖講堂依然古桂鬱蒼蒼少曾選佛初禪地

老覺驚心舊戰場

余於乙丑試此補諸生至今幾三十年矣

退筆無花開藝苑緯蕭

有屋傍漁莊夔龍事業諸公在剩許江湖放我狂

和友人落花詩

綺窗一枕小游仙腸斷穠華過去緣薄命生招風雨妬
多情枉受蝶蜂憐更無一語歸何處再欲相逢動隔年
綠已成陰芳早歇鬢絲愁絕杜樊川

開太艱難落太輕一番來去不分明經年空累僅澆甕

昨夜纔邀客，冶觥柳線難將離。跡綰榆錢似爲辦，裝成最憐解脫塵緣。後尙作拖泥帶水行。

羯鼓催開日未西。黃陵廟已鷓鴣啼。尙餘舊帶成雞肋，剩有殘香襯馬蹄。逐客天涯憐白也，美人帳下泣虞兮。縱教數瓣流還見，欲問桃源路總迷。

芳園蕭索似經秋。滿地殘紅爛不收。過客也驚停屐齒，小鬟猶誤覓枝頭。描來粉絹空神似，解到金鈴只淚流。飄落不知何處去，又因籬溷替他愁。

新絕

爭妍解語悵難分。目斷長天日暮雲。啼到子規剛別我，夢爲胡蝶也尋君。元都桃憶前回看，玉笛梅傷五月聞。

爲有去時痕迹在呼童且莫掃苔紋

漫興

俯仰曾無俗累牽始知身是一頑仙
村如老杜東西瀆書有蒙莊內外篇
門任婦持使我懶詩無人解向兒傳
三杯醺後渾何事閒逐鄰翁掠社錢

淳朴鄉風少禮文瓦盆春酒有餘芬
雞豚聲亂籬仍別榆柳陰連界不分
看戲人歸談古事負暄叟坐述前聞
眼前便是華胥境何處還堪着俗氛

塵心瞥起一漚如繡佛燈前自懺除
詩不與人爭險韻字常倚老作行書
蟲虻永叔秋聲冷蝶去莊生曉夢蘊

同數生平勞碌處楞嚴讀罷但軒渠
豪宕猶存少日心不知老態已相侵
觀書眼漸訛三豕
導氣身將學五禽
缸養文魚圓似卵
盆栽小竹瘦於針
當時笑是衰遲事誰識親從此境尋

爲人作墓誌後戲題

屏跡渾如避債臺
尙嫌酬應拒還來
碑無裴相酬謙數
畫豈文同要韞材
老去恥供諛墓作
賤時多愧嫁衣裁
祇應結習航文字
官罷仍爲老秀才

卽事

發帑頻聞至再三
歲功雖歉國恩覃
賑多錢可青封

接俗厚九無赤白探幾見宵人驚吠犬早聞春女喚分
蠶飢羸終免流亾去始信 朝家德澤涵

門人費芸浦舊爲吾郡守余自黔歸君已丁外艱
將去僅一握手而別今赴京補官枉道過訪留

信宿詩以贈行

出處殊途酒一尊直廬重感舊巢痕

余與君先後
入直軍機

久衰親

鬢宜歸里未報

君恩望及門五袴已聞君父老一莊敢便托兒孫京華
故友如相問歌咏昇平補素飧

五十初度

里居荏苒四經爲忽作平頭五十人去日已多行歎老
罷官未久敢言貧味餘書卷消磨慣

恩在朝衫檢點頻却愧半生辛苦力祇供成就一閒身
朋酒茅簷話雨晴朝衫脫後一蒼生漫勞海內誇高尚
要向田間味太平犬足有驚忘夜吠牛胡無喘健春耕
老農兒慣渾閒事誰識都從

帝力成

束髮攻書志決科奔馳樂利爲華珂不曾白髮歸雖早
無補蒼生愧已多唱第五雲籠藥榜從軍千騎擁珣戈
而今總作浮漚看付與人問春夢婆

閒翻青史覽窮塵歷歷前聞觸緒頻一代文章誰作者
古來出處幾完人雕蟲祇與蟬供飽畫虎多爲狗寫真
不覺又增身世感摩挲髀肉暗傷神

除却親聞侍藥醫更餘何事足縈思輸官租稅完常早
祭社牲牢宰不私妻妾無爭兒互乳弟兄垂老費同炊
家風豈敢誇顏柳或可垂爲子姓規

學佛求仙杜費功年來漸覺總成空歐陽但有詩三上
徐邈時於酒一中材不材間身可老味無味處句難工
海山幾率俱安在只合頭銜號長翁

去聲

自郡城歸

一葉扁舟映曉霞柴門將近落帆斜人疑舊雨來尋友
我與春風共到家篷背白餘殘雪并船頭紅載小梅花
上元節物惟燈事略與高堂賞歲華

題袁子才小倉山房集

其人與筆兩風流紅粉青山伴白頭作宦不曾逾十載
及身早自定千秋羣兒漫撼蚍蜉樹此老龍鵬鸚鵡洲
相對不禁慚飯顆杜陵詩句只牢愁

舒卷閒雲在絳霄平生出處亦超超曾遊瀛苑空三島
愛住金陵爲六朝富貴豈如名有味聰明也要福能消
災梨禍棗知何限此集人間獨不祧

寄芷堂二首

纔傳閩嶠妙持衡又轉蜺旌指渭城
視草久高唐內制論文恰到漢西京
禁中才子微之句年少仙人子晉笙
如此情華誰不羨通門亦覺有餘榮

一編清課出冰廳

君以所刻館課見貽

早擅千秋著作庭絕艷不須

施粉白高才真覺出藍青
搜羅遺逸窮三篋鼓吹休明本六經
笑我已無詞館職賞奇還剔短檠榮

小倉山房集中有咏物詩戲用其韻

九首之四

鏡

照膽圓光妙寫神江心鑄就淨無塵
誰從對面偷描我

忽漫分身作化人藏醜一毫難作假效顰雙黛最傳真
只因老怕看華髮不許移來鬢几陳

簾

掛起湘筠蕩日光銀鈎不捲靜焚香玲瓏霧縠三千縷
隱約金釵十二行映沼斜梳波最皺當窗橫織雨絲長
夏侯堂上尤增貴省得歌姬錦繡粧

燈

一穗銀釭小作聲空堂無喜也相驚爲人嘗盡寒窻味
有女曾分夜績明舞字伶工千隊整修書學士兩條清
老來忍便拋牆角炳燭餘光尙有情